



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ ՀԱՆՁՆԱԺՈՂՈՎ
ՈՐՈՇՈՒՄ**

28 հունիսի 2017 թվականի №281Ա
ք.Երևան

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ ԾԱՌԱՅՈՒԹՅՈՒՆՆԵՐԸ
ԿԱՐԳԱՎՈՐՈՂ ՀԱՆՁՆԱԺՈՂՈՎԻ 2016 ԹՎԱԿԱՆԻ ՄԱՐՏԻ 16-Ի №50Ա ՈՐՈՇՄԱՆ
ՄԵՋ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ**

Հիմք ընդունելով «Էներգետիկայի մասին» Հայաստանի Հանրապետության օրենքի 30-րդ հոդվածի 1-ին կետը, «Իրավական ակտերի մասին» Հայաստանի Հանրապետության օրենքի 70-րդ հոդվածի 1-ին մասը, Հայաստանի Հանրապետության հանրային ծառայությունները կարգավորող հանձնաժողովի 2013 թվականի նոյեմբերի 1-ի №374Ն որոշմամբ հաստատված՝ Էներգետիկայի բնագավառում գործունեության լիցենզավորման կարգը և հաշվի առնելով «ԿՈԿ ՄԻՍՏԵՄ» սահմանափակ պատասխանատվությամբ ընկերության 2017 թվականի մայիսի 29-ի գրությունը՝ Հայաստանի Հանրապետության հանրային ծառայությունները կարգավորող հանձնաժողովը **որոշում է.**

1. Հայաստանի Հանրապետության հանրային ծառայությունները կարգավորող հանձնաժողովի 2016 թվականի մարտի 16-ի «ԿՈԿ ՄԻՍՏԵՄ» սահմանափակ պատասխանատվությամբ ընկերությանը «Կոկ» փոքր հիդրոէլեկտրակայանում էլեկտրական էներգիայի (հզորության) արտադրության լիցենզիա տրամադրելու մասին» №50Ա՝

1) որոշման մեջ «մինչև 2019 թվականի մարտի 16-ը» բառերը փոխարինել «մինչև 2017 թվականի հունիսի 28-ը» բառերով».

2) որոշման 2-րդ կետով հաստատված՝ «ԿՈԿ ՄԻՍՏԵՄ» սահմանափակ պատասխանատվությամբ ընկերության «Կոկ» փոքր հիդրոէլեկտրակայանում էլեկտրական էներգիայի (հզորության) արտադրության ԼԷ №0591 լիցենզիայի պայմանների 9-րդ կետը շարադրել հետևյալ խմբագրությամբ.

«9. «Կոկ» փոքր հիդրոէլեկտրակայանի փաստացի տեղակայված հզորությունը 990 կՎտ է, իսկ էլեկտրական էներգիայի արտադրության գործունեությունն իրականացվում է հետևյալ սարքավորումներով՝

- 1) հիդրոտուրբին N°1՝ F-400/17, 330 կՎտ, 2017թ.,
- 2) գեներատոր N°1՝ СГ-2-500-16У3, 500 կՎտ, 2017թ.,
- 3) հիդրոտուրբին N°2՝ F-400/17, 330 կՎտ, 2017թ.,
- 4) գեներատոր N°2՝ СГ-2-500-16У3, 500 կՎտ, 2017թ.,
- 5) հիդրոտուրբին N°3՝ F-400/17, 330 կՎտ, 2017թ.,
- 6) գեներատոր N°3՝ СГ-2-500-16У3, 500 կՎտ, 2017թ.:»

2. «ԻՆԵԿՈՐԱՆԿ» փակ բաժնետիրական ընկերությանն ազատել 2016 թվականի փետրվարի 2-ի N°405 գրությամբ ներկայացված N°EA16/00009 երաշխիքի համաձայն Հայաստանի Հանրապետության հանրային ծառայությունները կարգավորող հանձնաժողովի առջև ստանձնած երկու միլիոն չորս հարյուր երեսուներկու հազար հինգ հարյուր դրամ երաշխիքային պարտավորությունից:

3. Սույն որոշումն ուժի մեջ է մտնում ստորագրման պահից:

**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՆՐԱՅԻՆ
ԾԱՌԱՅՈՒԹՅՈՒՆՆԵՐԸ ԿԱՐԳԱՎՈՐՈՂ
ՀԱՆՁՆԱԺՈՂՈՎԻ ՆԱԽԱԳԱՀ**



[Handwritten signature]

Ռ. ՆԱԶԱՐՅԱՆ

ք. Երևան
28 հունիսի 2017թ.
Ժամը 16⁰⁰